

四庫全書

集部

欽定四庫全書

文端集卷二十

大學士張英撰

存誠堂集十六

近體詩四十四首

題羹湖畫奇石脩竹圖四首

架竹危樓入渺茫  
插天奇石削青蒼  
披圖忽見家山面

金谷巖西浩歎廊

金谷巖浩歎廊  
皆浮山最佳處

百尺瓊琳列翠屏，聽菴斂法瘦偏靈。蒼山色曾經見

筆底芙蓉別樣青

葵湖別號聽菴

片片稜峯鬪蔚藍，枝枝踈影拂煙嵐。偶然寫傍篔簹谷，  
莫便將歸海嶽菴。

故園遙寄大江濱，薄有蒼巖與綠筠。苔蘚沒來風折盡，  
納涼醒酒讓何人。

送弟怡齋歸里門省親

數載居隣太液池，惠連觴詠每相隨。拜官喜近鶯花日，

將母先歸雨雪時布被好同明月夜綠衣親捧大年卮  
重來細聽家山話玉螭春深柳正垂

歲除前一日退直

退食輕寒書掩闕梅花香色卷書間移來暖室三春卉  
乞得勞生一日閒手倦安絃忘淥水夢來隱几即青山  
當窻莫謾闕明鏡六七年來鬢已斑

送儲庶子玉依歸陽羨省親

柳陰涼處騎驥駉苑誰聽禁漏沈捧檄正逢將母日

金少曰人言  
卷二十  
含飴還慰報劉心東吳風俗毘陵古南國谿山卷畫深  
廟後蚤香春芥路可能容我共探尋

寄李清照先生

儒宗海內仰晨星司馬曾同策大廷柱下博聞推舊史  
濟南遺老重傳經隱當盛代甘頭白葉在名山有汗青

侍從幾年陪謝鳳歸然彌想鶴儀形

叔父大司馬  
公同年進士

荒邨

偶向平沙外荒邨信馬蹄谿迴楊柳暗雨過杏花低生

事圃尤樂春陰菜欲齊何須武陵曲雞犬令人迷

扈從至馬蘭口登長城二首

戍樓臨絕徼何意得躋攀縱目城南堡驚心塞北山雲  
陰迷古堞峯勢逼蕭關戰壘清時廢微茫草樹間

帝治稱無外羸秦始築墉高低縣衆壑掩映帶羣峯萬  
古風霜色終朝虎豹蹤興亡不在險謾詡一九封

宿黃花山

四圍青嶂繞東菑栗里柴門護短籬好水好山春草路

輕煙輕雨杏花時  
池魚忽縱曾遊壑  
籠鶴驚回舊宿枝  
歸向紅塵最深處  
馬蹄何事更嫌遲

望盤龍山

橫雲諸嶺峻東接  
薊門煙石色幽燕  
冷鐘聲古塞傳佛  
飄鐙作供僧藉果  
為田縱目勞延望  
曾無福地緣

退直小暇插瓶中勺藥

揀得將離四五枝  
沸湯親注白瓷甕  
夜來紙帳高懸卻  
領取繁香夢醒時

送哲如三兄南歸二首

詩懷逸興舊蕭然風雨江南憶惠連別緒纔傾桑落酒  
歸心先寄木蘭船逃名蚤歲移邨社避俗全家傍墓田  
自是桃源雞犬樂莫將輕與世人傳

路過西嶺隔雲居輞水藍田儻不如花徑到門惟野客  
山厨入饌有谿魚黃鸝綠樹經春晚紫筍紅蕖入夏初  
似此風光正堪惜肯教明月小窗虛

寄念齋



金匱四庫全書  
卷二十一  
林屋谿山震澤煙愛君門繫盪湖船鶯花最是留人處  
邱壑多於入仕年小園養親原近市空堂留客日聽泉  
臨風欲寄無他語惟賦斯千古夢篇

寄魏柏鄉閣師

清時元老狎樵漁弼亮功成賦遂初白社漸忘綸閣貴  
黑頭蚤傍午橋居姬公制作原多藝司馬勲名半著書  
海內正思公再入未容蘿薜久懸車

送施愚山侍讀校士中州

仕籍頻年苦翳塵元音大雅亦荆榛一經猶是寒微路  
特簡無如冰雪人絃誦舊傳東海上鑑衡今見大河濱  
嵩山少室曾遊處重賦雲煙錦字新

送七弟還里門三首

天高霜葉落相送雁南征久客思泉石長貧愧弟兄連  
枝同宦隱小草代躬耕世味予諳慣緘書無限情

差有儒官好剛無民社憂橫經猶故國司鐸尚清流暇  
日還堪惜需時莫漫愁春花開落後應報石田秋

時弟  
方需

博次學

莫輕鄉國好此意答親知有鶴棲珠樹長鳴憶舊枝相  
勞營別墅兼為理東菑蚤種臨窗竹郵筒慰所思

八弟親迎賦此誌喜

堂前幼弟懸弧日七十嚴親髮已華梨棗昔猶看遶膝  
蘋蘩今喜詠宜家名門燕締雙紅縷小閣香添舊碧紗  
蓮炬花鈿人盡羨偏教兄嫂隔天涯

題戴文進畫漁家樂卷子二首

鷺渚鷗汀倚棹過賣魚沽酒醉還歌  
全家盡日隨煙水  
不識人間風浪多

松湖別墅傍漁磯久掩谿頭白板扉  
忽見畫圖還記憶  
秋風昨夜鰕魚肥

送鄧田公之任唐山

北山家學本師承經濟才人衆所稱  
寄重循良應不愧  
道兼風雅更誰能雲生鉅野揮絃看  
秋滿堯峯攬轡登  
夙昔浣花詩最愛期君三復在春陵

朝璐兒

老鳳毳毳強自娛  
匡牀襍被詠將雛  
嬌癡索問朝回日

攜得金盤細果無

宮中稱珍果為細果

玉兒十齡能誦尚書毛詩喜賦二首

駒齒初齧髮覆眉  
頗憐聰慧異羣兒  
已通典誥兼風雅  
遠勝而翁十歲時

退直疎慵畏簡編  
每呼稚子向燈前  
老夫茶熟香溫後  
愛聽幽風無逸篇

讀澹人侍講扈從關外諸詩

枚臯扈蹕騎駸駸東渡榆關古塞深  
大旆陰中花葉影屬車聲裏短長吟  
文多石鼓山經字賦比甘泉羽獵心  
警服諸藩威德遠鏡歌新譜

盛朝音

即事二首

寒雀無聲雪滿天

賜來桐酒侍臣偏鏡中更覺

金匱要略卷之二十一  
君恩重能使丹顏似少年

當筵撒下紫金罍醇酎新從塞北來  
辰刻殿西方進講  
承

恩未敢盡深枯

種水僊二首

水僊初茁似蘭芽種向清泉襯白沙  
自笑踈慵偏好事  
薰爐終夕護寒花

名花栽法未全諳嫩綠清香性所耽  
白石盆中千萬朵

小樓鐙市憶江南

賜第中舉子及孫孫名金鼇兒二首

小字金鼇豈無意金鼇坊在隔牆東  
他年記取懸弧地  
太液西頭賜第中

抱子添孫感歲華一年兩見茁蘭芽  
燕巢定見雛成長  
不是尋常王謝家

禁中對探春花

柔條花滿雪皚皚內使褰簾進御來  
費盡南園溫室火



探春十月已先開

二十四日聽

恩詔二首

當軒鳳藻太平春  
學士冰銜紫誥新  
慚愧江南圭竇客

絲綸四代作詞臣

恩詔贈父祖皆翰林學士兼禮部侍郎時廷瓚亦官翰林編修

風木人間重所悲  
恩輝難定九原知  
心傷鶴髮劬勞者

未見腰金衣

去聲翟時

除夕內殿侍

宴二首

長安萬戶送殘年  
爆竹聲喧柏酒傳  
爭似滿庭燒桦燭  
紫雲堆裏聽鈞天

手捫碧落數華星  
坐接金張近紫屏  
小戶不辭先酌酹  
玉柘

親賜語叮嚀

人日

重簾溫室靜無譁  
細啜宣城綠雪茶  
閒理舊琴深夜坐

爐傍新放海棠花

送石林校士粵西二首

詞臣簡命重臨軒百粵新沾異數恩

以平定補  
行鄉試

文教遠

能通象郡山川奇益助龍門掄才自昔收寒峻作賦頻  
年感

至尊正喜蒼梧烽火息春風南國採芳蓀

鋒車驛路指衡陽輸子探奇最擅場千里江雲開嶽麓  
九疑峯影落瀟湘蠻煙客至梅花白瘴嶺人歸荔子香

足蹟天涯誰得似詩篇珍重紀南荒

文端集卷二十

欽定四庫全書

文端集卷二十一

大學士張英撰

存誠堂集十七

近體詩六十五首

阻風二首

連日輕帆滯水湄  
窗臨沙岸接柴籬  
焚香夜對妻兒話  
只當蕭齋風雨時

繫纜停橈阻石尤  
紆回信宿此汀洲  
世間何事容人算  
不擬將心更學愁

四弟武任送予至潞河賦此

惠連惜別遠相隨  
醇謹承家爾最宜  
為愛紙窗情話好  
不嫌沙岸片帆遲  
攜來邨酒停舟後  
呼取河魚出網時  
風定月高春水濶  
清歌聽我扣舷詩

舟中

麥覆平畦綠漸勻  
好風簾外起青蘋  
膽餅自插桃花朶

春色今年倍可人

三月十八日

東巡逢

聖節虎拜憶旌門得與呼嵩日真成扈蹕恩歌風歡故  
老講武讐諸藩流滯周南客長吟柳外邨

輕舸

輕舸三月賦歸歎人似汀鷗迴自如茭菜白時炊黍米  
楊花飛處賣河魚香添爐火朝餐後茶愛鐺聲午夢餘



檻外清波簾外月何須高枕必吾廬

夜泊

鈴柝無聲夜轉遲荒鐙古岸一舟維  
世間饒有驚心處  
不獨孤邨夜泊時

草花

雨溼青莎野岸垂草花紅白一枝枝  
自開自落無人管  
只有銜泥燕子知

河干柳

長堤種柳遠成行  
臨水枝枝出短牆  
最愛微風新雨後  
也如千箇看篔簹

倚權

倚權待新月時聽烏榜歌  
晚風吹麥穗夕照滿春波  
祇覺鄉關遠偏逢水驛多

君恩閒歲月飄泊意如何

過四女祠

春水重過四女祠  
曾停孤權苦吟詩  
猶然十五年前客

非復丹顏黑髮時

舟中書懷

此身已乞向林邱  
飛札經營宅畔樓  
良夜何堪聞擊柝  
芳時那合住扁舟  
閒看兒女紆鄉思  
數檢圖書慰旅愁  
好與湖田兄弟約  
取魚嘗稻訂新秋

自遣

河流無力送輕橈  
苦憶前汀長暮潮  
濁酒一甌聊自遣  
麥秋天氣雨蕭蕭

偶然作二首

捲地南風逆浪生  
栖遲空羨渚鷗輕  
世間何事容人算  
千里河流一月程

舉網投竿事總虛  
春流空滿綠楊渠  
世間何事容人算  
水畔經旬斷賣魚

雨後

細麥輕花帶雨痕  
捲簾閒立聽潺湲  
遙天雨過雲開處  
一片斜陽在遠邨

舟夜泊

古岸煙將暝人衝宿鳥過  
月光將樹影窈窕落清波  
急鼓催蘭槳懸鐙照畫舸  
素琴尋舊曲幽意覺來多

安得

河水妬人鄉思急咫尺不與前谿通  
安得深林桃竹簟坐卧一枕槐花風

山東道中

百泉勞灌注千里送舟航  
石堰河流曲郵籤水驛長  
寺

過楊柳暗邨近棗花香莫憶江南路春風恰艷陽

紅藥

紅藥朱櫻爛漫天歸帆偏滯白楊邊人生幾度看花眼  
一別青山十六年

舟行雜詩十四首

試香評茗有餘閒廿四年詩手自刪自是耽吟成癖性

放言安敢擬香山

香山詩莫怪氣粗言語  
大新排十五卷詩成

七絃泠泠送斜暉蘋末風生乍入衣鷗鷺繞船飛不去

應知此曲是忘機

琴中有鷺鷥忘機曲

蘭檠風輕疊鼓催撥簾閒看水花開詩成自起添爐火

一縷香消午睡來

菖蒲學泛酒微醺邨市龍舟鼓棹過多少隣船鴉髻女

凭肩齊聽采蓮歌

倦聽兒女語喁喁竹簟繩牀細細風一覺晚涼容易好

漸偷身入黑甜中

節過傳柑疏蚤陳江南慙負一年春金華秘殿都辭卻

耐作河干守牖人

縱苦淹留莫漫嫌此心端合置安恬  
鳥聲過處閒欹枕  
樹色來時自捲簾

仲子齧齡甫佩觿羣兒層遞與肩齊  
嬌癡百態差堪喜  
不耐門東索果噓

却擬煙波人渺渺翻成鄉國思  
絲絲平生最愛清光好  
怕見臨窗月又圓

曲曲河流遶翠汀蔚藍天色遠峯青  
今年秋蚤蟬聲好



人在扁舟柳下聽

水鳥菰蒲噪夕陽漁舟逆浪聽鳴榔南陽湖畔釣簾久  
為愛谿山似故鄉

山青湖碧柳毵毵向夕微涼夢獨酣莫怪先生眉色喜  
計程明日是江南

蚤起涼生水一灣芙蓉香在卷書間閒情欲勝谿邊鳥  
黛色新看雨後山

運河濶水此初經樵語漁謳入窈冥地近下邳黃石路

平湖十里草煙青

答隣舟友人

柳覆平堤漾碧流  
月高清詠在隣舟  
故園久負鶯花約  
長路翻成汗漫遊  
賴有瓊琚投錦字  
如窳蘭芷向芳洲  
吟來畫舫新涼滿  
更復何心怨石尤

南旺

此日乘流便維舟  
日已曛河枯雙派接  
山斷百泉分地  
擁南湖日波涵泰岱雲  
尚書遺像在安濟  
想前勲

岸有宋尚

書  
祠

舟中秋蘭盛開漫成二首

畫舫蒲帆逝水湄  
秋蘭繞榻影披離  
花慵作態姿原澹  
香久淪肌客未知  
曉夢將殘欹枕處  
微涼初動捲簾時  
故園望裏增惆悵  
賴爾清芬慰所思

空谷竒姿迥絕倫  
移來九畹憶靈均  
一枝自飲清秋露  
何處堪容世俗人  
風味遠同彭澤宰  
輕盈如見洛川神  
幾回索句微香裏  
相對惟慙筆有塵

營讀易樓成三首

幽居深似野人家小構山樓一徑斜開戶特教臨水石  
拂窗時覺有煙霞蕭疎近對過牆竹綽約低臨遶砌花  
珍重

君恩閒歲月莫將塵土負年華

脩梧翠竹蚤年移今見凌霄蔽日枝軒冕許拋猶喜健  
園林容到莫嫌遲樓陰片石開三徑檻外名花接四時  
但願閉門無剥啄茶鑪詩卷日相隨

金少曰  
卷二十一  
老梅作態試南枝屋角牆頭獨詠時  
顧影烏猶憐好樹  
梳翎鶴自愛清池況予農圃三生癖  
久客風塵十載思  
體健時清機事少不耽吟歎更何之

前探梅絕句二首

女牆宮堞噪寒鴉油壁湘簾坐小車  
老我情懷誰得似  
滿天風雪看梅花

為惜寒梅護短籬幾株疎影落清池  
山人十月探花信  
喜見南檐第一枝

過仲兄湖上

蚤年揮手謝塵埃自結衡門水一隈  
遠岫似鬟新雨沐平湖如鏡曉煙開  
鷺眠沙尾時雙起潮打橋頭日幾回  
幽事肯容孤賞盡籃輿穿著萬松來

春蚤

春蚤園亭柳未催主人何事重徘徊  
疎林新得一雙鶴小苑初開幾樹梅  
經雨不嫌苔徑滑衝寒常破曉煙來  
蘭芽近日山翁贈自洗香泥取次栽

後探梅絕句三首

玉蘂瓊葩自結隣  
交枝接影十分春  
勞勞十載京華客  
須得梅花為洗塵

山窗面面對疎梅  
掩映清谿與綠苔  
詩客已偷三日醉

園官未報五分開

放翁詩蜀中梅花園官報五分開則遊人競往

溶溶花睡壓欄干  
輕雨輕煙欲放難  
留得暗香三五日  
昔人曾與賀春寒

山莊看梅花四首

嶺雲栖不散山雨泥春陰聞道梅花發還將蠟屐尋樹  
欵沙岸古香護竹籬深竟夕當檐坐清寒沁此心

縱橫紛衆態低亞小谿通花發輕雷後春深細雨中煙  
霏知露重香靜覺山空倚徙無窮意何人解與同

端合臨清磻偏宜挂碧岑根稍枯衲相香色道人心斑  
剥莓苔積披離苦竹侵寒宵霜月夜髣髴聽長吟

接影交柯處香光滿四圍樹深堂邃古花密晝霏微徑  
僻蜂知晚天寒雀到稀樵歸煙暝後自起掩荆扉



山中即事十二首

荷耜喜見草微青  
手種朱櫻遶翠屏  
秋穫倘教餘數斛  
誅茅先構也紅亭

澹澹春陰薄薄寒  
經行不覺過層巒  
等閒一幅雲林畫  
只把吾廬隔水看

燕市盆梅不易栽  
園官溫室火頻催  
今年飽著看花眼  
繞屋沿谿爛漫開

烈侯祠畔酒旗斜  
谷口深林處士家  
一雨纔過驚蟄節

谿山到處是梅花

谷口為唐英烈侯張公祠  
墓吳中稱梅花為驚蟄花

梅花開落已經旬來往山中不厭頻偶爾低徊小窗下  
紫蘭香細欲畱人

輕寒幸不負花朝自荷春勑斲藥苗忽見嶺松低亞處  
一峯晴雪補山腰

羊裘信宿白雲端不識春風料峭寒日暮奚童攜酒至  
開簾先問鶴平安

門對方塘俯碧流柳風初暖菜花稠波心吹浪圓如鏡

忽見文魚逐隊遊

前宵風雨起奔雷惆悵空山笛裏梅枝上漸稀人始到  
殷勤為送落花來

短檠紅燭放翁詩窻掩梅花月上遲茗椀爐香意親切  
空山一夕最閒時

窗橫遠岫青千點谿遠寒梅影一池老我閉門耽靜對  
暖風晴日落花時

倦倚梅根久立時關情惟恐落花知微風忽向枝頭過

香雪中間自詠詩

四弟武仕之任武昌別駕為賦二首

世食參藩澤城南有故廬枝垂松柏蔭花愛棣棠舒欲  
鍊層霄翮先題劇郡興慈親嚴卻鮓莫寄武昌魚

連枝昆與季卓犖愛尤偏拄笏逢佳地鳴珂正少年湖  
湘多舊蹟清白久流傳一掬春江接含情望汝賢

伯父方伯

公曾官

楚中

文端集卷二十一

欽定四庫全書

文端集卷二十二

大學士張英撰

存誠堂集十八

近體詩七十八首

過木厓河墅二首

出郭橫青嶂當門瀉碧湍石稜盤磴仄野色倚闌寬樹  
及春陰種松兼暮雨看從來多逸興垂老得煙巒

籬護方塘碧橋迴小徑深已看楊柳拂更待芰荷侵一  
壑容吾友千峯識此心惟應謝塵累軒豁日長吟

過有懷甥白鹿山莊二首

倚權入煙鬟南浮水石間湖田留世澤松桂老名山古  
屋丹題在豐碑綠字殷一邱經四代風節滿人寰

南浮山在

莊前明善先生廷尉  
公中丞公世居於此

樓居良不翅結構倚層峯一徑盤脩竹孤亭俯萬松鳥  
聲時自媚山翠日為容避世琴尊裏知君道氣濃

遊龍山五首

稻畦松逕接處處愛邨煙繡嶺千屏列明湖一鏡圓土  
腴禾覆壟人滿杏為田福地成真語花源豈浪傳

烏栖雙槩急歸宿舊煙蘿谿逐漁罾轉邨沿竹圃多衆  
山堆晚翠夕照起微波端為經時雨潮痕沒芰荷

亂山藏一壑行覺月谿長竹路過危杓松陰覆古牆厨  
煙分澗冷山霧焙茶香髣髴匡廬頂棋聲響石牀

月谿  
內有

月珠卷  
最幽勝



屢負春深約花時不易逢何年容採藥此地足為農天際看龍嶺波心落鶴峯橫斜山畔石常似亂雲封

密樹連邨暗深莊處士家籬根新筍籜松頂古藤花鑿

牖千峯簇疏池一徑斜愛君詩畫裏盡日伴麈麈

深莊為友

人劉起宗居

### 漁父

谿頭漁父影鬢髻低結薜茅倚綠藤剛掩柴門沽酒去

一雙魚翠立空罾

夏日山居五首

松風滿耳雜鳴禽避暑無如此地深  
安頓竹牀茶白處  
小窗恰對古梅陰

邨煙漠漠望中微  
隔澗遙看竹裏扉  
松岫稻田千頃碧  
橫空白鷺一雙飛

園翁為我摘新蔬  
炊熟黃粱正午餘  
一枕涼天初睡覺  
好風吹亂竹窗書

日長似得幾朝閒  
浴罷移牀更看山  
一種晚香曾未識

來從蓮葉稻花間

山人蚤起愛新涼  
繞逕貪尋水草香  
竹露涓涓似微雨  
南山松頂見朝陽

寄說巖宗伯

袖中文字比驪珠  
乞得經年卧五湖  
學種櫻桃纔半畝  
也紅亭子至今無

說巖曾為余  
作也紅亭記

夏日齋中即事二首

為愛朝涼起偏知  
夏漏長行隨梧竹影  
坐襲蕙蘭香石

罅魚闕牖牆陰鶴轉廊塵中人鹿鹿誰與說羲皇  
古瓦垂青蔓閒階上碧莎夜深微雨後秋色草花多小  
病疎中櫺低窗穩歌樂天瀟灑外今昔許誰過

盆蘭先後作花

清曉涼颺睡足來茗香事畢小徘徊花神解事君知否  
檢點盆蘭次第開

避暑二首

碧樹覆檐牙重門隔市譁菖蒲銜石草簷蔔貯瓶花橘

數垂枝實蘭培出土芽不須河朔飲幽事總堪誇

薄有巖居趣攤書綠蔭中迴廊涵翠竹曲檻倚疎桐茗  
竈分微火桃笙逐好風海棠秋色蚤銜露一枝紅

雨後行龍眠道中

蚤涼出郭覺情親河澗桑濃景一新石角磷磷偏礙路  
谿聲曲曲解隨人篔簹色淨霜初落擺漚風輕綠漸勻  
正是鶯嗁好時節可堪城市往經旬

急雨

赤日流金草木摧  
條然雲霧起奔雷  
老夫企脚當風處  
卧看翻盆雨勢來

烹茶

泉自花陰汲  
鐺隨樹影移  
松聲纔歇處  
蟹眼漸生時  
綠雪從斟淺  
香雲欲啜遲  
只須分茗竚  
不在試槍旗

閒中二首

曉天涼雨入房櫺  
卧近脩廊竹一叢  
遶逕數聲清  
啜苦  
瓶中知是鶴糧空

殷勤為我報山翁苦憶陰崖大壑風莫怪經旬住城市  
秋蘭花滿小軒中

立秋次日食新

風雨時和樂有年蚤禾新刈傍湖田尊開酒庫應無算  
菜送園官不取錢薦廟白炊香稻熟留賓紅割錦鱗鮮  
太平自願為農老幽雅常吹七月篇

謾道

謾道全無著將閒寄此心裝池新得畫位置借來琴圃

事耽微雨花時惜寸陰  
草香棲鶴地一日幾探尋

宿仲兄湖上

萬頃湖連屋移家隱此中  
門低桑葉暗徑曲槿花紅  
潮戀經秋雨濤喧入夜風  
一鐙瞻繡佛姜被老年同

小葺思過軒成

秋深管暝室僅可置匡牀  
錦莧翻濃豔拳柑逗淺黃  
跣跡雙膝影繚繞一簾香  
愛靜今成癖何心與世忘

松湖山莊收穫十絕句



芄芄禾稼滿高原人帶腰鑿處處邛怡喜歸田逢大有  
農夫舉酒慶曾孫

潮落新秋古岸平隔湖雲澹雨初晴晚來企脚松棚下  
月照隣家打稻聲

水北山南見一川家家錢鑄在秋前蚤禾刈罷重耕稼  
再熟湖干下澀田

沙田待雨等閒情不耐天公五日晴今歲農夫俱額手  
水邊未聽桔槔聲

一筇偶過野人家  
檐挂魚魯返照斜  
草徑柴門鶩鴨亂  
清池低映紫薇花

漁翁住處傍南湖  
畱客霜鱗玉不殊  
茭白藕絲隨意足  
雜羅菱芡與菰蒲

漁莊蟹舍白鷗洲  
佳地殊堪十日留  
最愛湖光繞山麓  
短松低堰繫扁舟

星羅盡是佃農居  
擬向中田自結廬  
初夏來看荷覆水  
小舟江上送鱖魚

閱盡浮雲意久慵懶將衰質日為容瓦盆濁酒茅檐下  
漸喜心情似老農

我欲臨流發浩歌倚山築岸貯清波種荷栽柳三年事  
好泛漁舟挂綠蓑

初秋二首

黃葉初離樹人歸舊草亭吟孤雙鶴侍坐久一峯青竹  
為妨梅翦門因避客局桂華含蚤露香霧撲疎櫺

盡閱寰中趣深耽物外情扶花承夕露翦蔓避秋聲鐙

影簾櫳靜橙香枕簟清擁衾還歎息彌覺道心生

杜門

杜門無長物秋樹老夫家手把臨窗卷心跡繞砌花昔  
同烏近日今與鶴餐霞桂雨蘭風裏差堪紀歲華

社飲

低迷桑葉路放浪竹皮冠穀賤邗醪釀年豐社飲歡前  
身應圃史老我作農官土鼓吹邠雅吾兼詠考槃

送堯元之任漳州別駕四首

潮落寒江昨夜風，惜陰亭畔送征鴻。  
好將碧水丹山色，盡入檐帷畫舫中。  
舊路細看棠蔭滿，綵衣重濺荔枝紅。  
遙知甌越龐眉叟，杖屨爭來問阿翁。

京華九月返輶車，新佩銀黃耀故廬。  
天末人歸多難後，日南恩拜一官初。  
懽承大母親調膳，志養嚴君慰倚閭。  
佐郡莫嫌猶蠖屈，古人風烈重題輿。

木葉蕭蕭拂去旌，蚤梅花傍嶺頭生。  
鯨波息處新投甲，蜃戶歸時正偃兵。  
才自冰霜成練達，地宜盤錯立功名。

好從幕府抒籌策千里驂騑第一程

蚤歲先芒照乘珠十年筋力盡馳驅才人今已分民社  
新婦從茲事舅姑壯志蚤宜閑玉勒寸心知久貯冰壺  
春江南望無窮意愛聽賢聲自海隅

山居二首

一月踈過嶺北園蛛絲當路雀迎門秋山易作煙霞態  
松籟不聞城市喧久坐燭殘書卷刺遲眠香重被池溫  
五更夢醒蕭蕭葉檢點平生未報恩

金少日人  
卷二十二  
筍輿芒屨日相隨  
山北山南未覺疲  
幽澗獨尋澄碧處  
秋林蚤愛嫩黃時  
曾迴九折羊腸馭  
新得層霄鶴背騎  
漫道神僊不可即  
稚川弘景是吾師

甲子驚蟄後一日入山二首

凍藥粘枝重可嗟  
疎林無復見橫斜  
臘前乍暖春前雪  
浪擲園梅一度花

乞得隣花趁雨移  
只愁耽却種花時  
笑予不學劉伶癖  
長見閒人荷鋤隨

媚筆泉

蘚石離奇金碧畫澄潭深靚蔚藍天幾回拋却籃輿去  
緩步行吟媚筆泉

語客

騎驢客去漫嫌遲借我山窗信宿宜好景莫從城市過  
最撩人是夕陽時

邨南

日晚邨南駐小車人同飛鳥共明霞吟過樹底微風起



影落谿流返照斜  
遠度巔雲尋蕙草  
閒搜石磴置梅花  
欲歸只隔樵歌路  
便是青山謝朓家

山行雜詩八首

谷口幽居羨左思  
綠楊疎處見茅茨  
玉蘭花發山如雪  
襯著青松看轉奇

柳含朝露杏含煙  
嫩綠勻黃菜麥田  
寒暖陰晴俱有著  
最宜人是養花天

桃李驚開一夜風  
逗人無奈隔谿紅  
春深切莫辜遊賞

花事山容日不同

山逕常從雨後迴  
邨煙澹處野花開  
谿流一夜春潮長  
雪浪晴翻石壁來

山桃紅覆野人居  
新綠交加錦不如  
行向樹陰深處久  
落花飛絮滿籃輿

纔過穀雨惜殘春  
紅漸稀疎綠漸勻  
吟就小詩聊自適  
掉頭不管路傍人

山逕盤紆待曉歸  
千山紫翠自霏微  
黃鶯啼處徘徊聽

小雨輕陰未溼衣

小橋流水帶邨斜  
放眼看春覺轉賒  
紅茜滿林山躑躅  
松顛高引紫藤花

蚤起書觸目所見三首

蚤起扶筇步小池  
麥田風細綠參差  
黃鸝隔樹遙相喚  
恰是春陰欲雨時

前邨忽見雨濛濛  
烏亂鴉唬一樹風  
迴看山腰作雲氣  
短松如薺白波中

雨歇園林放脚行一聲黃鳥一心清  
雙飛偏愛新桐影  
唬向濃陰太著情

一邱二首

一邱一壑慰平生小構幽居遂遠情  
欲設閒門向深綠  
隔花臨水費經營

一樹寒梅碧玉枝當階古幹舊披離  
偶然推却東牆去  
乍覺橫斜勢轉奇

營北軒

手闢層軒自葺籬  
還疏曲沼翫淪漪  
松橫遠岫遙臨戶  
泉繞階除細入池  
侵檻蚤荷圓似鏡  
眠堤新柳碧成絲  
容予獻傲梧陰下  
領取風恬月皎時

山居雜詩九首

吹笙扶杖有雙童  
跨磻穿雲見此翁  
天下閒人誰得似  
看松採藥水聲中

何事撚鬚求句好  
不須叉手限詩成  
閒吟半格無多語  
得意黃鸝三兩聲

澗草溪花駐小車  
嵐光煙靄媚幽居  
無窮物外相憐意  
料得青山亦愛予

淺深濃澹各成奇  
如見公麟老畫師  
欲向山中看樹色  
晚春天氣暮秋時

豈無人似放翁顛  
笑插花枝意自妍  
碧水丹山收拾穩  
憑人相喚作神僊

石步粼粼可渡河  
水明沙白動微波  
欲知山路紆迴入  
一道清谿十度過

南窗山翠北窗松  
頃刻陰晴景不同  
造物年來差解事  
置予百幅畫圖中

新得清泠繞戶泉  
還移白石老梅邊  
主人盡日開顏笑  
細酌頻看意欲僊

蚤年揮手紫雲邊  
盡日行吟綠水前  
欲覓先生何處去  
萬松深處一池蓮

文端集卷二十二

欽定四庫全書

文端集卷二十三

大學士張英撰

存誠堂集十九

近體詩七十七首

結屋

結屋鄰松近  
疏池引澗頻  
芙蓉經歲種  
梧柳一時新  
荷貼青錢小  
波生綺縠勻  
閒來看稚子  
長日靜垂綸



南榮

結構南榮只數椽好山屏障恰天然  
盡收松色層軒裏細挹荷香小檻前  
梧葉半窗臨曲沼稻花十畝對平川  
日長坐聽漁樵話惟覺

君恩此際偏

山居雜詩八首

吟詩啜茗小窗前忽見人耕原上田  
正是晚春煙雨後青蓑黃犢滿平川

秧鍼漸綠水平渠  
鷗泛鶯唬迴自如  
纔過午餐行飯去  
梅花谿上數文魚

谿河雨過石磷磷  
中有文儵碧玉鱗  
今夜山窗留客話  
隔河呼取釣魚人

林深溪急路逶迤  
籃筍常漸雨漲時  
最愛多年住山客  
堪憐十歲負薪兒

白藕花開碧玉姿  
倚風含露立多時  
方塘潏灑纔新綠  
若箇凌波第一枝

滿把園丁摘野蔬一竿童子得谿魚  
勸來晚食松陰下不信侯鯖得勝渠

梅邨栗里恰相連最愛東隅一徑偏  
特構南軒臨竹圃萬竿烟雨小牕前

聽罷桑陰布穀催蚤杭晚秫已全栽  
水平秧綠柴門掩齊唱樵歌入市來

幽居二首

小構幽居隱磻阿柳風荷露任婆娑  
門前一帶沿谿路

不是樵人不肯過

竹梢垂露傍檐低  
山雨山煙曙色迷  
幽夢欲醒支枕聽  
小窗微白喚黃鸝

夏日山居雜詩十四首

雨後黃鸝錦翼新  
梧桐花下去來頻  
金梭自擲濃陰裏  
不獨號聲最可人

恐負湘波洛水姿  
凭闌細數一枝枝  
自從碧玉搔頭日  
看到紅衣褪腕時

斜日山腰弄晚晴捲簾初見白雲生  
門前流水經新漲猶作林間風雨聲

一椀茶香一縷煙小亭端不愧幽偏  
新荷綽約簾櫳外流水潺湲枕簟前

老我初營水上亭稻香松籟醉還醒  
一池波浸琉璃椀四壁山圍翡翠屏

蔬圃常耽雨後來繞籬花襯屐痕開  
去年食芋鄰家美乞得蹲鴟傍水哉

知是神僊第一班  
偶餐烟火到人間  
祇今一榻栖真處  
恰對門前玉几山

晚看松色入青冥  
團扇踈簾坐水亭  
最是稻花蓮葉裏  
亂飛螢火似繁星

石根泉脈繞階清  
屋角牆陰紫蘚生  
十日不雨衆泉竭  
猶能小作潺湲聲

日移雲際千峯影  
手把牀頭一卷書  
怪底近來詩味好  
經旬常對玉芙蓉

坐歆竹檻俯鳴泉家在千峯落照前  
點染谿山如濯錦  
白蓮蒼枯晚霞天

珠簾三面對澄波小啜雲腴午睡過  
一部野人新鼓吹  
山南山北插田歌

耽看晨煙與夕霞總將林壑住為家  
小窗昨夜新香別  
斲得山南百合花

嶂合谿迴入窈冥畫眉號處衆山青  
山人久住渾閒事  
掩卷惟予著意聽

構南軒成

學圃齋南曲曲廊新營土屋燕泥香秋簾滴翠圍湘竹  
春檻穠華壓海棠幽草儘教侵仄逕高槐恰與受斜陽  
河亭水榭猶嫌熱輸與清陰此地涼

納涼北軒

茗椀桃笙一室中小留香篆閉房櫺柳絲細織西窗日  
松頂遙分北牖風架疊濃陰延宿烏簾垂踈影障飛蟲  
頻年世路羸語却檢點誰堪此味同



讀子瞻詩二首

直廬歸後卧煙霞感舊懷

恩詎有涯我亦曾分煙柳句恰如蘇軾紫薇花

穠華酷嗜已成癡尤愛臨階三兩枝解事東坡老居士  
卷中多有惜花詩

山居即事七首

松崖明月柳谿風恰與閒人此際同曲檻小亭何所似  
扁舟泊在藕花中

插柳經春如我長荷花一歲簇方塘常衝蚤露青鞵溼  
遶岸來聞蓮葉香

架頭蘇陸有遺書特地攜來共索居日與兩君偕卧起  
人間何客得同渠

南風六月井泉乾誰遣乖龍轉碧湍抱瓮老人今亦勸  
栽花容易灌花難

日高花事已闌珊曉起須從露未乾天下幾人真解事  
栽花容易看花難

一畝塘如栝面寬  
芙蓉新葉近闌干  
北山雲起風兼雨  
顆顆明珠落翠盤

邨落煙生亦渺茫  
山腰雲白轉青蒼  
憑他紈扇冰壺裏  
不敵荷亭一雨涼

草堂

草堂一坐動經旬  
飲翠餐香有夙因  
山氣佳時在朝夕  
難將說與暫來人

初秋坐讀易樓二首

砌生幽草石生苔人自空山避暑回巢補新泥秋燕乳  
蘭培舊本晚花開圍鐙兒喜如羣謝對素妻能似老萊  
豆粥花瓷同一色夕涼高詠復誰猜

河漢西流夜轉清嚴城擊柝復三更窗間清夢梧桐雨  
簟上新涼蟋蟀聲深護蘭香垂紙帳細聽松籟近茶鐺  
丹顏漆髮年年換彌感平生學道情

坐四面芙蓉亭

亭延湖水濶萬頃接雙扉翠葉籠朱柰清池映紫薇河

魚秋水上邨酒晚涼歸真學忘機叟沙鷗狎不飛

喜雨

蒿目驚心原上田螳遷鳩喚已頻愆連朝幾見黑雲滿  
當晝真看白雨懸枯蘚頓放迴紫翠高檐驟與落清泉  
新涼社飲雞豚熟猶得吹邨慶有年

山澤

山澤何堪老一經且將方畧付園丁陰晴細驗春秋社  
昏旦頻看黍穀星勸竹恐傷鞭逸出種蔬先愛甲微青

長鏡短鉤相隨處指點松根斲茯苓

寄許伊蒿時為邳州學博

荷香松籟日栖遲千里圮橋寄所思空谷每當飛瀑處  
黃河却憶聽潮時風前得句應搔首燭下談經舊解頤  
皆響亭邊秋雁過憑將說與許詢知

此味

簾外蒼深列萬松紅蕖碧葉膽瓶中窗間疊膝焚香坐  
此味何人解與同

與羹湖

君營谿館迓慈親我亦扶輿步後塵是佛是仙憑說與  
四年前是八旬人

過越巢聞讀書聲

波迴葉亂度谿風谿上停車夕照紅但是書聲吾愛聽  
况從秋樹竹林中

歸卧

歸卧花林兩度紅孫能扶杖可稱翁田園自放農堪老

飲啄無多鶴與同  
宦跡十年香案側  
生涯一徑古梅中  
姓名喜未沾塵土  
著意清寒感化工

中秋雨

姮娥寶扇已重遮  
無復清宵見月華  
山霧白時疎雨過  
分畦看種米囊花

蚤起

窗白鴉翻曙色來  
山翁蚤起被花催  
披衣先到芙蓉岸  
銜露一枝猶未開



桑下讀放翁集

手中書是劍南編  
來看新犁原上田  
坐傍桑陰牛糞讀  
故應遠勝水沈前

芙蓉二首

秋水澄潭映碧空  
一枝垂影綠波中  
花從開落分深淺  
只有芙蓉晚更紅

風塵老我已成翁  
窗下檠邊尚未慵  
喜看玉兒剛十二  
也能捉筆詠寒蓉

自題新詩後

卷中何處著纖塵  
句句新詩自寫真  
留向人寰任埋棄  
千秋定有愛予人

對小池芙蓉因憶湖上

拒霜風節豈凡葩  
開傍荷汀柳岸斜  
粉纈總含秋夜露  
紅潮初暈午時花  
繡屏遙倚楓千樹  
明鏡低臨水一涯  
若問湖干居士宅  
牡丹須與讓繁華

八月二十六日得房師即墨黃公書

蚤侍扶風講席餘七年不見劇愁予空山霧雨蕭蕭夜  
東海新來一紙書

勸山脚地種花二首

擬構茅亭綠樹邊看勸山麓作花田翦蔬客到新涼日  
抱甕人閒細雨天永叔詩中思潁水文饒海外憶平泉  
幾人穩作林塘主今古風流定孰賢

花畦曲折槿籬通位置經營課小童常要晚春連蚤夏  
還須淺白間深紅茅亭近著留佳客石徑平鋪便老翁

底事却閒桑下地移牀來看夕陽中

山雨二首

豎蕎花發白如霜烏桕迎寒弄淺黃牧豎騎牛草間路

山煙山雨隔垂陽

腰鎌處處刈田禾  
浹日愁霖可奈何  
最是嫩黃深綠好  
蚤秋山色雨中過

小園

小園門徑一弓寬  
卻對松陰俯碧湍  
愛看梅花臨水處

特教添取石闌干

窗間

平遠荒邨墅燒寒窗間手掩一編看柳陰踈處驅黃犢  
何用丹青覓范寬

隔谿

孫曰瑗字受采少司馬之孫能讀書屬文得疾于場屋而歿惜之居椒園與余莊隔谿

隔谿山館碧嶙峋中有驂騮本絕塵痛惜夜珠輕彈却  
玉蘭花下讀書人

甲子重九二首

客散空山獨敲時繞階甘菊放猶遲閒門老樹青蟲集  
夜雨新寒黃葉知鄰叟相過攜芋栗園丁自課葺柴籬  
古人節物關心甚搔手能無九日詩

深山俯仰意蕭騷木落雲飛嶺岫高菊澹偏能逢此日  
山青獨喜對吾曹無心更可隨鴻鵠有手惟堪持蟹螯  
夕照籃輿楓葉路猶慚巖畔酒人豪

賜金園十二詠

學圃齋

金匱要略卷之三十三  
卷二十三  
圃翁性嗜圃嘉蔬日翦溉歎息潘安仁豈識霜薤味

香雪草堂

老梅既多姿臨水復幽絕春風動微波滿庭落香雪

南軒

畫永鶯頻換風微蝶故斜海棠最嬌妩坐看南榮花

北軒

左倚松桂磴右臨荷芰灣梧桐高百尺葉底見青山

寄心亭

如錢復如鏡芳華綻南圃含露雖娟娟蓮子寸心苦  
也紅亭

含桃出禁闌金盤久蕭索垂老向深山持竿驅野雀

清池

方塘貯流水澄澈映山椒送我扶筇影紅欄過小橋

竹塢

頭番初成竹霜濃錦籜新但求藜藿飽數筍過殘春

桃谿



臨砌堆紅白春風為洗妝莫隨流水去勾引到漁郎

松逕

半里深松逕蒼煙翠靄多道人行飯處西崦日來過

芙蓉泝

欲製芙蓉裳采采秋雲裏何事涉江頭門對清谿水

碧潭

長松蔭古潭湛湛如碧玉一日一回來照我鬚眉綠

文端集卷二十三

欽定四庫全書

集部

文端集卷二十七

四至

詳校官庶吉士<sub>臣</sub>汪彥博

助教<sub>臣</sub>常循覆勘

總校官降調編修<sub>臣</sub>倉聖脉

校對官中書<sub>臣</sub>葉蘭

謄錄監生<sub>臣</sub>李方華

欽定四庫全書

文端集卷二十四

大學士張英撰

存誠堂集二十

近體詩七十六首

入山

更將何物件行藏  
琴薦茶鐺與筆牀  
鄰舍祇因沽酒熟  
輿臺總為入山忙  
朝看丹樹千峯錦  
夕對青橙一榻香

打稻歌聲中夜起懸知明月滿前廊

北軒與內人晚坐

野鶴幽栖珠樹林海天誰復問鴻冥閒詩適意容麤放  
小戶當栝易醉醒鏡裏不知雙鬢白眼前惟覺衆峯青  
山妻解伴於陵子相對芙蓉水一亭

珍表

狐白珍裘比雪妍同時拜

賜五雲邊幾人曾到空山裏披向梅花老樹前

寒夜汲泉摘籬菊泛之

縱橫滿地古梅枝月影朦朧霧重時  
旋汲山泉泛甘菊  
一甌香雪沁心脾

夜雨

桐葉輕黃柏葉頽一秋能得幾時晴  
明朝恰有登山約  
惆悵檐淋此夜聲

姚天池邀遊山園雨不果往

夙約登山已再愆連宵支枕聽潺湲  
纏絲意似深秋雨

料峭寒生小雪天  
泉桂高檐雲似海  
坐圍殘菊日如年  
人生良會誰能定  
紅樹青樽事偶然

即事

向夕傳呼近閣門  
仰聽

天語比春溫  
絲綸豈是逋  
臣事簪履難忘

聖主恩自分  
形骸宜藪澤  
敢因泉石戀邱樊  
集賢學士  
如牆立落筆中書  
眼漸昏

過雞鳴寺

甲申年十一月三日先母太淑人五十一  
初度飯僧于雞鳴寺予時八齡從父兄

游至今不能髣髴其地惟記大銀杏一株在佛  
堂右甲子年十一月五日重至其下老樹無恙  
增尺許圓先後相距恰四十年  
日月適符為之感愴不能去

髣髴曾隨入梵筵雞鳴山寺石城邊香臺難覓經行蹟  
蘚石猶刊舊施錢學舍亭軒悽暮草佛龕鐘磬冷朝煙  
婆婆老樹空塔立別爾風霜四十年

臘月八日眠樵木屋霜鶴過山莊小飲二左留宿  
肅穆羣峯斂山煙午未開門低風偃竹枝冷雪封梅儉  
歲邨醪薄寒宵好客來一鏡華髮叟幽話幸相陪

乙丑元旦立春

三載恩波事耦耕年華又喜入昇平萬家晴雪裝瓊樹  
一夕春星轉玉衡火暝梅花居士屋風占黍稷老農情  
勾芒恰喜逢元日南畝懸知慶阜成

深坐

閉門深坐愛吾廬樂事無多致有餘陰壑雪猶供茗椀  
陽坡薺可作厨蔬樹堪入畫偏增雀鶴本親人豈為魚  
欲渡谿河訪精舍屢詢山路滑何如



中年

中年萬事不相關，惟見林巒一破顏。  
出處規模錢若水，詩篇枕藉白香山。  
五官用盡都成拙，百計輪來未勝閒。  
陌上樵人時放擔，聽予高詠落花間。

放翁詩閉門誰共  
處枕藉樂天詩

難遣

松肪一碗勝明缸，短髮鬚髯影自雙。  
難遣梅花寒處立，夜深猶自挂西窗。

人日課童子理園圃

人日春晴體乍舒閒驅稚子理荒蕪梅邊穩置支琴石  
竹下新移淪茗鑪幽徑滑時扶柳栗小谿平處坐矍踰  
若教添取公麟筆處處堪將入畫圖

人日

人日春風蚤新晴鳥乍啼米囊猶帶雪豆甲已掀泥冰  
壑埋樵徑陽坡數麥畦山寒門晏啟虎跡滿前谿

鶯栗  
花一

名米  
囊花

步屨

步屨看松去鄰菴不待招春晴谿自漲山遠雪初消雙  
屐宜沙路孤筇怯板橋梅花猶寂寞探取向南條

予擬為樓壓園梅之顛口鶴背樓偶讀放翁詠梅

詩亦有洛浦凌波矜絕態緱山騎鶴想前身之  
句

危樓欲構壓花叢恰喜拈詩得放翁捲幔攤書孤月冷  
倚闌吹笛萬山空微風弄影波初泛暖日生香雪乍融  
何異玉京銀海曲身騎白鶴碧霄中

讀書罷忽起見月

雪霽谿聲響石梁  
逼人松色夜蒼茫  
忍寒趁燭終詩卷  
忘却梅邊月似霜

梅花二首

松陰漠漠竹蕭蕭  
別有心情愛寂寥  
一樹梅花好風月  
無人知處領清宵

山煙山雨作春寒  
處處梅花隔水看  
矮屋踈籬亦佳致  
豈如勺藥倩朱欄

東軒梅數十株臨水二株尤奇古作小亭對之

梅花時節苦春陰  
索笑惟余繞砌吟  
枝壓冷雲當戶重  
庭霏香霧閉門深  
熙荃畫本紛千態  
郊島詩情滿一林  
莫道春風開獨蚤  
許君猶是歲寒心

春山八詠同羹湖作

嶺上雲

觸石排空總異姿  
輕陰欲渡綠谿遲  
閒看舒卷為霖日  
多在徘徊出岫時  
峯頂乍攜雙袖滿  
窗間潛潤七絃知

一從紉縵歌成後常與山家護竹籬

原上邨

幾家碁杵隔寒原一幅林巒對小軒  
綠樹陰中聞水碓夕陽多處見柴門  
嵐光常借炊煙色山徑新添野燒痕  
昨日隣翁歸較晚犬聲如豹月黃昏

谿上路

山深谿徑自縈迴地僻人稀長綠苔  
春隴草生黃犢過秋籬花發白衣來  
偶添畧約前邨近閒倚孤筇野客陪

盡日總無車馬到往還麋鹿莫驚猜

石上泉

層巖飛瀑日潺湲紫蘚青蒲不記年自作雪霜幽壑裏  
時聞琴筑小窗前影穿密樹千珠散潭聚游魚一鏡圓  
不獨浮栢蕪釀酒濯纓知向此中偏

池上梅

無數瓊英點舊柯寒心相對欲如何高標自具神僊骨  
瘦影偏臨清淺波山鳥蹋枝栖雪冷文魚吹浪唼花多

放翁饒有闕情句一度尊前一浩歌

巖上竹

叢棘何堪翳此君翦除踈鑿不辭勤  
篔簹靜洗千竿翠巖谷新添一片雲  
細路遠從山麓遶濃陰近傍石泉分  
還期小構茅亭看解籜香風靜裏聞

松上鶴

翩翩雪羽九皋禽只合棲遲託茂林  
風勁乍聞松籟起夢醒猶憶海雲深  
闕情蓬島當年事回首樊籠此日心



寄語煙霞舊儔侶乘軒可似碧山岑

陌上花

蹋歌南陌近清明短後新裁白紵輕舊過谿橋曾識路  
許多紅紫不知名橫侵屐齒騷人趣斜插釵頭少婦情  
社飲醉眠隨處好只愁風雨杜鵑聲

夜半看月至池上

閒中消息少人知難得朋儕是此時愛與梅花同皓月  
不嫌風露立清池波生蘋末原無定煙失林梢亦乍奇

好景恨無摩詰畫千秋留取一篇詩

山櫻桃

樊園含桃飄雪後山櫻花發色尤妍紅珠斗帳輸他好  
白石清泉覺爾偏

聞廷瓚分校禮闈

南宮承命校專經敢謂新陰在鯉庭屈指歲華剛一紀  
掄文重到第三廳

予癸丑分校禮闈官次第三居會經  
堂第三廳乙丑廷瓚分校官次亦如

之復居  
此廳

雨中過桃花園七弟治具

南陌尋春已較遲，桃花邨落雨如絲。  
不逢玉洞燒丹日，卻對巴江濯錦時。  
低樹露凝紅厭浥，比鄰煙重影迷離。  
水生屐齒青泥路，挈榼來看亦自奇。

谿頭

輓捲谿頭舊釣絲，園林歸卧莫嫌遲。  
放翁甲子當予歲，尚欠雲山萬首詩。

倪繪江表弟贈錦雞一雙魚以詩四首即來韻答

之

雉媒麥隴正殘春  
羅畢招來捷有神  
遺我更兼新句好  
鷓鴣從此讓才人

青田雙鶴本胎僊  
介性文禽許並傳  
豈似雪衣徒解語  
綵絳金鎖被人憐

清泉紅豆新恩重  
叢竹香茅舊侶多  
愛爾對啼花徑晚  
莫將文彩戀巖阿

山雞璀璨錦為名  
自昔華蟲綉縹榮  
從此暈飛阿閣上

回頭丹壑若為情

初夏

小池初漾嫩荷風  
曲徑新添苦竹叢  
布穀鳥啼春雨後  
分秧人亂夕陽中  
偶居山澤心常戀  
豈信田園樂易窮  
滿院濃陰深碧處  
殘花猶見數枝紅

竹醉日

小檻臨流避暑宜  
抱書終日對淪漪  
經旬罷棹新藏壘  
隔歲芙蕖漸滿池  
節到梅黃天欲睡  
候逢竹醉雨偏知

千峯淨洗參差綠猶是清和夏淺時

雨中書所見

谿聲活活雨霏霏驅犢邨童戴笠歸百疊松岑幽翠滴  
黃鸝時拂畫屏飛

為東來題陳原舒畫花草十二種

冰綃斜倚碧琅玕似有如無著意看盛暑攜來簾影下

風神怯爾太清寒

梅竹  
折枝

武陵人去水茫茫瓊實雙苞不易嘗却似天台新摘取

紅顥猶帶露華香

折枝  
桃實

魏紫已隨芳樹杳  
姚黃亦逐綠雲空  
自從妃子凭欄後

管領春風一捻紅

紅牡丹

澹煙明月擁湘娥  
秋水新裁薄薄羅  
却向黃陵邀女伴

夜深來聽竹枝歌

水僊

荷蓋田田綠映池  
芙蓉葉底未開時  
何人移向輕綃上

恰似銀塘第一枝

荷花

穠華翠葉傍蘭叢  
亦自嫣然曉露中  
堪笑老翁癡欲絕

看花愛到小桃紅

金風花

一枝纂纂覆丹邱  
聞道如瓜不可求得向僊亭食僊棗

東坡何恨謫黃州

折枝棗

淺施檀粉獨媽然  
澹著鶯黃意倍妍  
背立牆陰如靜女

一庭風露蚤秋天

秋葵花

紫衣初褪白綃輕  
赤玉盤堆蜜水晶  
想見沈香亭畔立

一枝風露入華清

荔枝

露白霜濃菊一枝  
蕭然寄傲在東籬  
祇今風格誰能似



如對陶潛古調詩

菊

帳裏悲歌事已非  
美人名馬幸同歸  
至今江岸閒花草

猶見當時舊舞衣

虞美人花

澹寫甘蕉向雪中  
披離岑寂似山翁  
綠何復作繁華夢

添取茶花數點紅

雪蕉  
茶花

### 大雨後

終朝檐溜如泉注  
向晚溪聲昔所無  
絕似黃河風雨夜

至今心怯此危途

避暑

避暑亭軒傍水開，釣絲閒捲獨徘徊。  
雲根忽抱山腰起，雨脚遙穿松頂來。  
著底新教嘗苦菜，枕前時聽落黃梅。  
人間清福誰能領，此際應無客與陪。

飲鎮皖樓贈薛梁公撫軍二首

東臯傑閣俯晴川，經始重來作鎮年。  
樹色嵐光千嶺月，漁歌帆影一江煙。  
庾公興與層樓迴，叔子名同勝地傳。  
自是政成多暇日，新詩高和五雲邊。

浮圖舊蹟比菟峩飛鳥時從戶牖過芳草地連南浦近  
畫屏山帶夕陽多檻飄歌管雲常在鏡點漁舟水不波  
登眺一尊陪劍履祇因歲稔慶時和

看花宜蚤起

種荷經歲滿芳汀翠蓋紅衣一水亭風偃穠華偃野岸  
露和香氣撲疎櫺朝陽初射前峯紫宿霧猶籠衆壑青  
自是看花宜蚤起黃鸝作意喚人醒

靜裏

梧覆高檐竹覆廊碧芙蓉漸滿方塘半窗深綠花蕪葉  
一榻清吟茗共香書卷拋來朝睡穩山泉浴罷夕陰涼  
昔人競說田園趣靜裏探尋味轉長

絕句二首

旋汲山泉徹骨清當風自起扇茶鐺暑中不耐敲門客  
誤惱枝頭啄木聲

好將林下羲皇日探取琴中太古音心與七絃同似水  
一庭斜日轉桐陰

山居即事二首

窻護爐煙裊篆絲等閒出定意遲遲稻花綠偃風迴處  
蓮葉香濃雨過時摘豆遶籬尋僻徑洗茶具向清池  
茫茫今古人何限管領風先定屬誰

久向塵囂謝俗緣閒中忙事亦幽偏露垂自翦當門柳  
雨過來扶蘸水蓮分磧每教烹綠雪履霜時復弄朱絃  
枕前榻畔知何有陶白遺詩只一編

范文正公琴只  
學履霜一摺

夏佳嶺二首

媚筆纔過水一灣杜鵑花裏小躋攀莫嫌度嶺勞筋力

隔斷塵寰是此山

媚筆泉在嶺之南

山境遙從嶺際分嶺南雲物是比鄰莫嫌地窄園林小

猶與孤松作主人

予山莊以嶺上孤松為境

初過寶穡堂

在松湖莊

寶穡堂從隔歲謀主人今始得來游青松枝亞明湖出  
古栗陰團小徑幽遠漲初生逢暮雨晚禾重藝趁新秋  
閒來檢點人間事社飲漁歌第一流

松湖後收穫詩八首

謝家子弟一尊同  
嫋嫋魚竿澹澹風  
最是月明湖水濶  
輕舸柔艣萬花中

葉罩平湖靜不流  
藕絲菱角挂扁舟  
隔花稚子遙相喚  
摘得蓮房恰並頭

荷柳松筠滿四鄰  
此中無地著纖塵  
壟邊鷺立如迎客  
葉底鳧藏不畏人

侵晨得得看花忙  
雨送輕陰露送涼  
小艇繫從高樹岸

藕花深處扇茶香

秋潮清淺是今年  
葉密花紅著意妍  
立向棣棠花下望  
彩霞一片蔚藍天

漁歌聲裏記春秋  
藤徑茅亭事事幽  
怪底老翁年七十

鐙前作字尚蠅頭

湖上仲兄著  
書能作細字

高原禾黍已芊緜  
潮晚偏收下溼田  
自荷

君恩三載住桐鄉  
兩度見豐年

比來甲子乙  
丑歲皆大稔

西山雲氣正嵯峨  
把酒垂綸任放歌  
總是平湖蓮葉滿



人間不解有風波

題澹人所藏文衡山潑墨山水圖

直廬茗椀校讐閒忽見飛濤香靄間  
卻似曉煙春雨後  
湖干日對米家山

曾囑

手種芙蓉近碧湍深紅淺白覆闌干  
別時曾囑龐家婦  
秋葉黃時一探看

文端集卷二十四